

Ingeniöruddanninger
Søknadsfrist 15. april
Faddá: Oahppu
Economic Education
Application deadline 15. April
tuonomanu 15. b.



Olgoriika dánssuha ruovttus

– Olgoriikaskuvla oahpaha mu oaidnit dáidaga Sámis, lohká Elle Sofie Henriksen, gii lea duhtavaš studeanta engelas dánsunskuvllas.

Elle Sofie Henriksen ja Anne E. H. Bergseng ráhkadeaba dánsunfilmma.
– Dát homma lea boadusin das maid lean oahppan olgoriikka skuvllas, lohká Elle Sofie Henriksen.

ELLE MERETE UTSI

Muhtun jávrrri nalde, olggobealde Guovdageainnu, čučcodeaba guokte olbmo giddabeaivvázis. Nubbi lihkadallá, njuikestallá ja nubbi čuožžu goavrut, hui jaskadit.

– Letne ráhkadeame dánsunfilmma maid áigo fállat filmafestiválaide, lohka 20-jahkásaš nuoraguovttos Anne E. H. Bergseng ja Elle Sofie Henriksen. Elle dánso ja Anne filbme.

Interneahtha lagadii

Elle Sofie Henriksen lea beassášluomus ruovttustis Guovdageainnus. Fargga son dolle fas Engelandii Laban nammasaš dáiddaskuvllii, mas son lea vázzime golmma jahkásaš dánsunsuorggi.

– Fuobmájin vuolgit olgoriikii skuvllii go Norggas ii leat dakkár dánsunskuvlafáladat, muitala Elle. Son lei gullan skuvlla birra oahpaheddjiin ja earáin.

– Interneahtha dagai maid hui álkin iskat skuvlla birra, čilge Elle gii lea hui duhtavaš iežas välljeumiin.

Buorre skuvla

– Dát filmahomma lea maiddá boadus mu skuvlavázzimis Engelanddas, čilge Elle Sofie. Son lohká iežas skuvlla hui buorren skuvlan, mas lea oahppan ollu.

– Lean oaidnigoahtán earret eará ahte Sámis lea nu ollu maid sáhtta váldit lávdái, lohká Henriksen.

Dál son leage olbmáinis Anniin, geainna leaba Romssas dánsunsuorggis oahpas-

nuvvan, govve dánsuma Sámi luondus.

– Filmma vuolga lea das movt olmmoš sáhtta suhtat ja vásihit áššiid badjelmarálaččat. Dánsofilbma lea goitge abstrakta, nu ahte dát ii boade nu čielgasit ovdan, lohka nuoraguovttus.

Hástalusat

– Jus skuvla ii livčče leamaš nu buorre go lea, de in livčče goassege Londonis orrume, lohká Elle Sofie. Son oaihvilda Londona nu earálganin Guovdageainnus ahte loaktin šaddá veaháš hástalus. Engelasgiella skuvlagiellan lea maiddá váttis Elle Sofie mielas.

– Leat gal diedusge engelasgiella gullan unnodagas juo, muhto skuvllas galggan čállit fágačállošiid engelasgiellii, ja dat gal

lea oalle váttis ain, lohká Elle Sofie gii gal ii hálit muitalit man ollu su skuvla máksá.

– Go Norga ii leat EU miellahtun, de šaddet norgalaččat máksit visot nu gohčoduvvon skuvlaruđaid, maid engelas skuvllas šaddet máksit, ja dát lea divrras, lohká Elle.

Ávžžuha vuolgit

– Ávžžuhan earáid maiddá mannat olgoriikii skuvllii. Dát ii leat váttis, lohká Elle Sofie. Ieš dušše ozai skuvllii, beasai sisa ja fárrii Engelandii.

– Eai lean makkárgge earenoamáš báberhommat fárreret Engelandii, lohká Elle Sofie, geas lea vel beannot jahki ovdalge geargá Bachelorgrádain dánssas Laban skuvllas Engelanddas.